



Na osnovu člana 5. stav (1) tačka a), člana 77. stav (1) i člana 83. stav (2) tačka a), a u vezi člana 21. stav (1) tačka c) Zakona o javnim nabavkama («Službeni glasnik BiH», br.j 39/14 i 59/22) i člana 18. Poslovnika Centralne izborne komisije Bosne i Hercegovine («Službeni glasnik BiH», br. 29/18 i 25/20), Centralna izborna komisija Bosne i Hercegovine je na 32. sjednici održanoj 13.04.2023. godine, donijela

## ODLUKU

### o nabavci usluga poštanske dostave izbornog materijala za provođenje Prijevremenih izbora za gradonačelnika Grada Živinice

#### Član 1. (Predmet nabavke)

Za potrebe Centralne izborne komisije Bosne i Hercegovine za provođenje Prijevremenih izbora za gradonačelnika Grada Živinice, zakazanih za dan 28.05.2023. godine, izvršiti nabavku usluga poštanske dostave izbornog materijala, putem preporučene pošiljke, biračima za glasanje putem pošte.

#### Član 2. (Vrsta postupka)

Procjenjena vrijednost nabavke usluga iz člana 1. ove odluke iznosi **približno 17.000,00 KM**, (na ove usluge ne plaća se PDV). Nabavku izvršiti primjenom **pregovaračkog postupka bez objave obavještenja o nabavci**, u skladu sa odredbama člana 21. stav (1) tačka c) Zakona o javnim nabavkama, iz razloga što je nabavka sa zaštitom ekskluzivnih prava i ugovor se može dodijeliti određenim dobavljačima i člana 83. stav (2) tačka a), jer se radi o rezervisanim poštanskim uslugama koje u skladu sa zakonima o pošti obavlja jedino javni operater.

(2) Nakon provedenog postupka nabavke iz stava (1) ovog člana zaključiti **ugovor** sa najpovoljnijim ponuđačem u skladu sa članom 72. Zakona o javnim nabavkama.

(3) Postupak nabavke iz člana 1. ove odluke sprovest će posebna Komisija za nabavke koju će imenovati Centralna izborna komisija Bosne i Hercegovine u skladu sa članom 3. Pravilnika o uspostavljanju i radu komisije za nabavke («Službeni glasnik BiH», broj 103/14), u saradnji sa Sektorom za izbore i informacione tehnologije i Sektorom za finansijske i opće poslove Sekretarijata Centralne izborne komisije Bosne i Hercegovine.

(4) Konačnu odluku o dodjeli ugovora o nabavci iz člana 1. ove odluke donijet će Centralna izborna komisija Bosne i Hercegovine.

#### Član 3. (Finansijska sredstva)

Finansijska sredstva za realizaciju nabavke iz člana 1. ove odluke osigurana su u Budžetu na PPN prijevremeni izbori Živinice.

#### Član 4. (Stupanje na snagu)

Ova odluka stupa na snagu danom donošenja.

Broj: 07-2-16-3- 548-1/23  
Sarajevo, 13.04.2023. godine

Dostavljeno:  
- Sektor za finansijske i opće poslove  
- Komisiji za javne nabavke  
- a/a



Zamjenjuje predsjednika

Dr. Ahmet Santić, član